

湖南通志



湖南通志



歸望重里黨有背於理者但正色責之人無不服志

周之龍字左卿一字孺東湘潭人萬曆辛丑進士官刑部主事

勤求庶獄以希寬信敏惠自勵遷工部郎中督造清江浦漕船

往例歲造二百艘之龍兩運成千四百餘艘又代造河西務

剝船三百作漕河說六千餘言力言海運當復宜由麻灣海倉

二口徑達津沽遠勝元人故道文入皇明經世文編中惜後之

議海運者未及見也縣志

周之基字季子湘潭人萬曆癸未進士知蘆縣蠶多瑞族素飢

法憚之基悉為斂跡行取刑部主事上封貢議遷郎中出知瑞

州府所屬高安賦倍他縣前守嘗特疏減之未有成議之基復

湖南通志卷一百六十六

草疏令父老詣關陳乞卒為忌者所中拂衣去郡人為立去思

碑西通志

陶鵬字漢卿甯鄉人學務實踐治易春秋多心得由貢生知桂

平縣以廉惠聞常監軍交趾有勞績以艱歸再補陽春未久歸

里縣志

唐九德字楚陽湘潭人嘉靖丙辰進士知新喻縣廉斷有威擢

戶部郎督臨清織稅除漳州副使值閩賊猖獗九德勒兵剿捕

威惠大著後備兵金衢麥藩粵東皆著奇績湖廣通志

劉應學字紹衡茶陵人嘉靖丙辰進士除知南昌縣縣附郭就

難治應學處以鎮靜均糧省役民用不擾政最擢吏部主事應

江西參議疏乞終養究心理學建旌忠書院著述自娛豫章志

彭榮字少雲茶陵人學有根柢張治與為忘年交母陳患消渴

惟飲雲山泉少止案家距泉所五里許母疑僕憚遠汲或入他

水索無分晴雨每晨必偕僕往汲逾年泉忽竭不可飲母病加

劇案為文刺指血書之禱於神俄宅南隅有紫雲隱起如篆文

午廷字堉之不滅忽有清泉赴涌日別過雲泉母飲之疾遂瘳

嘉靖甲午舉於鄉授撫州推官通商建學築千金隄郡民賴之

仕至大理少卿始悟午廷二字之驗志

王學顏湘潭人嘉靖癸丑進士選庶吉士授編修入國史館以

湖南通志卷一百六十六

強項忤時相出為廣東提學殫心校課人文丕振湖廣志

陳時中號白石長沙人學問淹博勘叢中書院集四方士肄業

後由貢任吉水縣丞盡捐其俸建尊經閣羅洪先嘗師事之歸

建水渡石橋築麻林壩民利賴焉志

龍光通名碑作字斗垣長沙衛人嘉靖壬戌進士任蘇州府推

官以治行高等晉給事中有所建白悉見舉行終山東布政使

通志

蕭再臣字子益號度山長沙人嘉靖丁未進士任還甯知縣作

息訟辨民俗為之一變擢工部員外郎督殿工特著勤勞世宗

每膳必徹以賜以疾卒於官志

楊廷相長沙人嘉靖壬子舉人少力學博通經史世居青山即以其地為號結廬晦跡足不履市廛湖廣志

胡用中長沙衛人弱冠襲指揮使以謹飭當上意歷陞都司約已輯眾摧廣梧參將致仕志

魏煥字原德長沙人父蒙歲貢官彭水知縣煥舉嘉靖己丑進士授嘉興府推官歷兵部員外郎作九邊圖考擢四川僉事明習世務關心邊防以疾歸子時用嘉靖中由選貢知大甯縣慈愛潔清三世宦蜀並有賢聲七

劉應圻號鳳岡攸人嘉靖中鄉舉事寡母以孝聞鄉人有以誣陷重辟者力為昭雪筮仕舒城七月而卒百姓哀之志

湖南通志卷一百六十六 人物七 明二 五 人可一

彭應星茶陵人由貢生任池州通判歲大旱親詣屬邑省視耆民供給俱不受以事入都值山東旱捐俸賑濟東民德之志

彭應睿字藻臣茶陵人由貢歷任松江漢陽學博最後任岳州臨藍寇起將過已陵舉城狂奔應睿獨端坐明倫堂靜鎮如平日歸里後徜徉山水未幾亂兵犯境不屈遇害志

黃恩長沙衛千戶性勤實與士卒同甘苦征廣西徭有功特授指揮僉事世襲子翼字星池嘉靖己未進士累官四川左參政操履潔清不畏強禦事有便民者毅然行之致政歸二十年家無餘貲志

升尚質號斗菴茶陵人嘉靖丙戌進士授戶部主事選郎中理

鹽廠以清節聞有商挾賂私求不聽仍按以法商賂他人事覺尚質獨酌然無汚湖廣志

鄭宗舜字芝封醴陵人少負奇姿甘貧力學年十六舉嘉靖戊子鄉試第一事親孝不忍遠離定省畢即閉戶讀書知府潘鑑嘗造其廬見書卷盈几取二十一史叩之如宿記者年未三十卒楚風

袁球醴陵人嘉靖中由貢生授建平訓導敦孝友嚴義利言行皆可師法祀名宦志

廖希顏字叔愚茶陵人嘉靖壬辰進士知高安縣有異政陞工部主事屬駕承天選郎中擢山西提學講學河汾書院作三關湖南通志卷一百六十六 人物七 明二 六 人可一

志以為全晉安危視三關而畿輔以西大河以北安危視全晉爰自雲代達延綏考沿革核軍儲飭武備為圖四為卷十遷浙江按察使時海氛甚熾奉檄勦捕殲之尋卒一統志

劉欽薦號少東攸人嘉靖辛卯舉人知邢臺縣平反冤獄有積盜匪巨璫所欽薦捕得實重典璫怒曠巡按鄒懋卿中以法懋卿撫其行無可議又有增築縣城功不得已劾以浮躁鐫級歸與門人衡陽劉穩講學甚歡志

曾造茶陵人一作善嘉靖庚子鄉舉知萬安縣陞知宿州所至多惠政府志

陳惟順號南崖攸人官光祿丞嘗隨湛若水至廣南受學若水

作壯哉行以嘉之與茶陵張治友互相討論邑文廟及西郭浮橋皆其所建志

李廷龍字近麓湘陰人嘉靖癸丑進士授徽州府推官歷四川巡按福建布政使參政皆有美績民立祠祀之志

胡廷輔字元素瀏陽人嘉靖己未進士授戶部主事釐倉儲積獎聲動京師轉工部員外郎晉郎中嘗奏罷蘇杭監造歲省費數千金擢南雄知府尋卒孫應台自有傳志

鄧魏字南湖瀏陽人世居長沙嘉靖辛丑進士授深水知縣入為御史疏劾權貴被廷杖直節凜然奉命巡邊嘗單騎按行營伍歷鳳陽知府歲饑賑卹全活數萬人致仕歸家居三十五年

湖南通志卷一百六十六人物七 明二 七

年八十五卒志 一統

杜康長沙人嘉靖中由鄉舉知邛州開七里壩疏通水利州人受其賜志

李棠字石塘長沙人嘉靖戊戌進士授禮部主事告歸用薦起官歷會都御史宣大總督王崇古以俺答就撫條封貢八事廷議紛紜獨棠極言當許帝從之巡撫南贛討平韶州山賊終南京吏部右侍郎仕宦三十年不營生產以介節稱人呼李石頭

卒時有星隕其門天啟初追諡恭懿志 一統

羅繼祖號涵虛長沙衛人嘉靖甲午鄉舉臨選不赴杜門謝客

手不釋卷扁其室曰心迹雙清自號逸民志

周顯字文達湘潭人姿性奇穎一目數行以貢授通州衛經歷解綬歸惟教子讀書志

彭應洪字玉山茶陵人割股愈母疾有司旌其孝卒年九十有七志

王成錦湘鄉人嘉靖五年盜起從縣丞王欽禦敵成錦關死弟成釗亦被害事聞遣官祭復其家志

張永哲湘鄉人嘉靖中新化賊入境永哲率族人張帆張蘭張奎等禦之弗克一門死者數十人志

張環安化人父永定嘉靖中率眾勦賊遇害環仰天號泣誓報父仇因揮淚血戰身中數十創而死志

湖南通志卷一百六十六人物七 明二 八

王以文湘鄉人嘉靖三年賊劫其鄉以文率眾捍禦手刃五賊乘勝逐北賊要擊之遂戰死姪用器奮身赴難亦遇害志

周環字朝用湘潭人徒手起家個儒好義捐置學田二頃嘉靖中早饑輸穀萬五千石以賑嘗率鄉勇破楓木蛇皮二寨土寇潭人德之志

彭應煥字卓卿茶陵人喜施予不荷取里中有迫於貧代人受杖者勸以愛惜遣體佃之田數畝不取其租嘗與閩中諸客金姓書同寓湘潭客別行兩日矣於枕薦下得一囊約貯百餘金

獨小舟追至湘陰還之志

歐陽華字實夫甯鄉人家素封樂施子嘉靖中代合縣輸糧一

毅上官嘉之疏賜冠帶

縣志

賀廷弼號遜庵安化人隆慶中由貢生知汝川梁山兩縣羅漢

中府同知政尚平恕所至士民德之

舊志

陳關安化人性至孝母病思肉食時祈雨禁屠關割股以進母

尊慈事聞表其門

舊志

李維基安化人家貧兄維照病足維基力田事母兄病革醫謂

食糞可愈乃調糞自嘗始進兄卒痛哭至咯血

舊志

林之蘭字芳麓安化人萬曆中由貢授苑馬監出爲瑞州通判

屬邑多水災捐俸置義倉積穀備賑浮橋商稅爲民累力中革

之署知府事一日出行見市店煙突中露一手作招搖狀呼店

湖南通志卷一百六十六

人物七

九

又司馬

主轄之乃謀殺比舍郎應寇下捕驗實於法人稱爲林青天

江西

李字湘潭人早孤性剛介豪猾屢中以奇禍家益落隱居山中

教子騰芳官至尚書每封敕至強之詣城拜命後即策蹇歸

騰芳常製一文毅以進服片時即屏去始騰芳爲督學所首拔

半走謝有謀居間者以重金爲壽騰芳卻之年八十一偶屬疾諸

子環問之起步庭中日緣合則聚盡則散耳端坐而逝

舊志

李騰芳字子實號湘洲萬曆戊子舉於鄉年裁十六壬辰成進

士選庶吉士授檢討遷左諭德三王並封詔下騰芳上書大學

士王錫爵言封王既定冊立應遷他日公去而事壞不獨宗社

憂亦公子孫禍也騰芳旋以道去官貶太常博士又以京察謫

江西理問光宗立起行人司正擢少詹事拜禮部右侍郎天啟

初遷吏部左侍郎禮部尚書魏忠賢惡騰芳與楊漣同鄉遂奪

職崇禎初再以尚書協理詹事府京師戒嚴籌守禦多稱旨

代何如寵掌部事卒官贈太子太保諡文莊弟學若性純篤不

以聲華自耀萬曆四十年舉人

國朝順治六年殉城死遺孤一歲人皆傷之

明史

黃文煥字象斗湘鄉人萬曆間武舉從將軍劉綎征播陳殺敵

旌其門

舊志

張嘉言字克揚湘潭人萬曆壬辰進士任廣州推官總鎮標兵

湖南通志卷一百六十六

人物七

十

又司馬

以減餉譴擬入公署嘉言以利害折之事遂定時有旱魃妖僧

奇獄嘉言力雪其冤州人立祠以祀遷工部郎中免歸修南嶽

石路數十里建橋梁百計

舊志

唐斯盛字麒麟湘潭人事母孝性質純粹自幼至老未嘗有怒

色萬曆丙戌進士授蘇州推官以鯁直忤上官改衡州教授捐

俸置學田養士官至南京戶部郎中

舊志

唐選字舜舉湘潭人萬曆己丑進士知江津縣值諸司符下以

楊應記叛飭令用兵選力持應記不反狀弗聽已而兵連禍結

逾年始平人咸服其遠識擢吏部郎故事銓曹無外轉者時黜

陟不公選慨然曰吾不能爲人署紙尾三上書求外出補浙江

按察使

劉淑龍號鴻山醴陵人嘉靖戊午舉人由中書舍人陞大理寺

副直中祕預修國史五牒改南京戶部員外郎水兌抽分羨餘

悉歸諸公由知鎮遠府轉民瘼興學校化苗俗致仕歸養家第

然

施溥醴陵人成化中鄉舉知宿松縣遷瑞州通判性至孝母革

疾割股以進母食之美問之託辭以對母立愈及母卒廬於墓

所哀號如始喪有二烏棲樹間漣哭輒悲鳴

丁淑字師孟醴陵人由鄉舉任寶豐教諭值大儉令坐視淑發

粟以賑大吏嘉其才薦知麟遊縣淮任三月與上官忤即自劾

湖南通志卷一百六十六人物七

歸嘗掘地得金即以分布里閭里人作歌金歌紀其事

唐寅字時亮醴陵人父伯通卒於嘉魚寅奉柩經洞庭烈風驟

起泣禱旋止後山鄉舉任光山訓導以實行教人陞岷王府教

授王甚重之尋丁母艱歸主親書其象以志慕

終存信醴陵人任永嘉丞性剛正境內淫祠悉毀之永嘉人立

祠祀焉

蔡承植字槐庭攸人萬曆癸未進士授建甯推官遷南京戶部

中性情澹明行儉約舉家蔬食知嘉興府事俗尚侈靡聞承

植風不肅而化時南方郡守有四君子之稱承植其一也晉廣

東副使以南京太僕少卿致仕

莊天合字德全長沙衛人萬曆己丑進士選庶吉士授編修侍

講筵晉宮僚以端謹受知於光宗庚子主試南都甲辰分校禮

闈所拔多知名士左光斗錄昌期錢龍錫吳宗達梅之煥其最

也累進少詹事丁卯煥歸卒贈禮部右侍郎賜祭葬予以臨以

廢授中書舍人

歐陽啟字古愚長沙人萬曆戊戌進士知中牟縣縣有巨瑞學

啟不為禮瑞庭舒承財以濟之士民憤瑞不法交毆之幾死學

啟坐累幾危當事持之得無恙逾年卒於任

劉葵字明卿攸人萬曆甲辰武進士官廣東虎頭衛守備身長

六尺臂力過人兼精書翰嫉惡甚嚴為讎家所中解組歸治扁

湖南通志卷一百六十六人物七

舟與名士游

劉常吉字心和湘鄉人由貢生為陝西都幕憲司重之檄攝藍

田縣事訪民間疾苦問於上官則弊綏征民賦之如父母薦提

兩淮鹽運同知未赴卒於任民赴哭者以千計秦王問其賢發

宮中祕器購之

黃治中字景亭善化人父模由鄉舉任雲南通判時沐府兵變

人皆畏避模獨往諭定之賢聲大著治中舉萬曆癸未進士標

格孤介初知歸安縣有賢聲擢吏部郎知太原南安二府所至

畏其清強在太原奏調地畝荒稅二萬餘兩在南安調本價五

萬緡致仕歸屢薦遷才不就子學謙字又謙以貢任韶州教授

羅興平知縣致仕歸里教授士多出其門獻賦者以偽官逃之

深山壽九十餘卒
一統志

王命宣字元申號荷雲湘潭人初為諸生家極貧事親能養志

學使者屢旌其孝後官松滋訓導流賊窺松以身捍之者三月

松得不陷遷永州教授咸有化澤
志

黎維淵陽人諸生父病篤願以身代比及廬墓三年一夕遇虎

於途不為害又嘗深夜之墓所舟子已歸忽有人艤舟渡之俄

頃不見

唐登岱字觀海湘潭人萬歷副榜以薦任光祿寺丞崇禎末

殉難於京師

志

湖南通志

卷一百六十六

人第七

明二

三

胡應台字徵吉瀏陽人廷輔孫也萬歷戊戌進士官中書舍人

晉兵科給事中轉吏科以直道忤時相出為江西督學稱得人

歷太僕卿巡撫應天振綱肅紀執法不阿旋總督兩廣值白漕

滋事單騎撫定之威名益著召為南京刑部尚書以忤璫奪職

歸崇禎初起刑部尚書外戚周奎子鏡為金吾指緝家人殺人

事下刑部論抵帝震怒問主筆者應台奏臣實主筆不敢以威

晚執法取容疏上卒依擬中宮怒之帝為錮級遂疏乞終養歸

一統

楊思誠字道卿甯鄉人家貧早孤事母至孝由恩貢官徐州通

判解絕包苴禁陋習郡人感之立祠以祀

志

楊思震字廉卿甯鄉人居親喪阨窮三載由恩貢授國子學正

擢陝州知州執法不撓所得祿稍皆以饒惠宗族

胡九霄字汝上甯鄉人三歲失怙事嫡母未嘗離左右母歿席

苦十餘年由貢生官廣甯知縣會大羅寇起兵追被執九霄設

奇計拔圍出之斬賊千餘卒於官

洪雲燕字化卿號紫雲攸人少好王守仁之學建金仙書院於

里中集同志講論萬歷庚戌成進士知諸監縣件監司被劾座

主業向高雪其誣歸里講學改判許州修隄洛河葺學宮講學

西湖書院作許州語錄移梁山知縣改國子監助教遷南吏部

主事憂歸起戶部歷員外郎中與楊建賀逢聖善魏忠賢惡之

湖南通志

卷一百六十六

人第七

明二

古

三

出為廣州知府平增城寇擒斬賊國賊鍾國讓海寇李之奇內

犯擊卻之遷嶺南道副使時流寇陳萬踞九連山鍾凌秀踞銅

鼓嶺與曾國羅賴大總等相犄角又巢寇張文斌等肆掠江閩

之交雲燕督師解永安海豐開新內應數百人解散數萬遷廣

西參政仍舊督兵禽聞羅大總等惠州平追賊至虔誘擒萬凌

秀等誅之赦後從數萬人尋有吉水之捷流寇悉平移湖西道

參政乃入九連山相度形勢題建連平州實資有差遷按察使

崇禎七年海寇劉香老犯閩粵總督熊文燦議招撫雲燕力請

會剿不從意甚快會賊圍海豐文燦檄雲燕及副使康

等人賊舟宣諭皆被執雲燕密檄諸將進剿兵至及賊於日人

洋時雲蒸在賊船香老挾以止兵雲蒸大呼曰急擊之母以我

為念滅此報國可也賊遂加刃沈尸海中官兵環攻香老勢蹙

焚舟死承祖等脫還餘黨降海寇遂平越五日諸將覓雲蒸尸

遇逆風反棹泊沙口見大鳥悲鳴近視之張兩翼覆尸也附石

副都御史建專祠一統志楊

洪懋德字峻明湘鄉人萬歷乙卯舉人知宿松縣以清慎著事

父至孝罷官歸授徒自給經營諸弟婚學周悉贍贖賊破湘

鄉肆掠人其家懋德整衣待之容色無變賊無所犯賊退人怪

之懋德曰吾不見有賊賊固不害吾也一統志

劉宏化字貳公攸人題名碑作長沙衛人萬歷庚戌進士兩令

湖南連志卷二二十六人物七明一

山西耀州科給事中首糾輔臣附權貴內臣僭批皆有直聲議

移宮紅丸案侃侃不阿會熊廷弼論死宏化力爭之誣坐受其

賄罷官下詔獄崇禎初起兵科都給事累遷南京大理卿以疾

歸請減長沙例外派銀六千兩榮梓德之一統志

夏國寶字禹麓湘潭人萬歷丙戌進士知舞陽縣調南豐人為

戶曹坦白接人澹於聲利為文有法度學者多師之一統志

劉泉字本蒙攸人萬歷中選貢初廣元縣時礦使四出將有

事於廣長泉強項不入境繼知彭水縣值直指錄因議死者眾

泉夜燭治官書歎曰深文難法足以殺人因相檢招狀平反大

辟七人解組歸奉其父結廬北郭自號放翁家居三十六年卒

年九十一統志

陳夢珠字文卿茶陵人萬歷中由鄉舉為江南知縣劉白蓮敬

匪聲著江淮擢泉州同知海寇蠢動區畫平之一統志

尹靖字鄰和茶陵人由歲貢任甯州訓導陞知環縣撫綏有法

邊境晏然當道稱為關西保障一統志

顏志邦號小山茶陵人由恩貢任太倉州判遷平樂推官平反

冤獄首示甯州民務胥服其教報最屬蒙優敕以親老乞終

養歸一統志

皮輔攸人知岳池縣剖決如流案無留牘縣多積逋輔為捐俸

代輸民懷其惠一統志

湖南連志卷二二十六人物七明一

陳時可字四如攸人萬歷間副貢家貧館穀養親事繼母如所

生撫異母弟如同懷族有嫁娶不給者分束脩助之父子兄弟

不睦者明大義勸之兩舉德行一統志

龔卿號九如湘陰人由鄉舉任合江知縣性鯁直不媚權貴罷

歸築八景臺怡情山水一統志

陶顯位字仲仁甯鄉人年十六讀易有疑問豐城李之材家傳

易學遂負往受業三年學成始歸後以選貢任桃源訓導攝

縣篆有暮夜投金者卻不受遷潯安教授既歸復以易學授里

中年八十嗜學不衰一統志

陶顯功字庸仲甯鄉人幼與張眉正同舉奇童由拔貢銓教職

歷歸安建溪隋州皆有文譽中江知縣考最擢路南知州解

細歸年九十有三乃卒

羅喻義字湘中號英江益陽人父敦仁字伯榮孝事繼母讓產於弟有賢名喻義舉萬歷癸丑進士選庶吉士授檢討天啟初歷官諭德直經筵六年擢南京國子祭酒諸生陸萬齡欲於太學立魏忠賢祠喻義嚴懲之乃已忠賢黨籍東林籍貫湖廣二十八人喻義居首遂削籍莊烈帝嗣位召拜禮部右侍郎協理詹事府尋充日講官教習庶吉士喻義性嚴冷閉戶讀書不輕接一客後見中外多故將吏不習兵銳意講武事推演陳圖獄之帝為寢納明年進講尚書撰布昭聖武講義中及時事語頗傷湖南通志卷一百六十六人傳七明二

執政溫體仁不憚互相奏辨吏部希體仁指議革職開仕可之喻義雅自時望為體仁所傾瀕行仍許乘傳家居十年卒贈尚書編王時補諡文介明史本傳清紀事本末

譚希思字子誠號嶽南茶陵人萬歷甲戌進士知萬安縣政永豐皆有惠政擢南京御史抗疏言六事事關威晚內臣而援引祖制抵觸忌諱皆人所不敢言希思疏入上怒謫外任尋遷主事陞郎中歷大理寺順天府丞以廉能著晉叙都御史巡撫四川時播州逆節未肅廷議主剿希思獨主撫云不忍枯骨以邀上賞懸車後徜徉山水與同志以理學相切劘諱

蔡思穆字熙坦倭人萬歷丙戌進士知梁山縣改臨川擢廣東

道監察御史巡按浙江思穆巡城時有少年犯夜禁氣張甚詰之則宗室某也事聞上賜額曰殿中執法

羅其綸字彝伯一字洪山茶陵人萬歷乙卯舉人授太康教諭徵修崇宗實錄遷瓊州推官黎人騷動十餘年其綸單騎宣諭殲其渠入其地為水會所建學宮聖書發廢獻嶺東北獄釋冤辟八十三人累擢郎中年八十四卒詩篋蕭然僅存遺稿志

尹近字君遠茶陵人隨父敬先之官舟次監利有相者謂敬先當有水厄近聞之流涕因告於天請以身代俄狂飈大作舟幾覆近遂投水死閱三月尸逆流上浮長陽縣之北關面目如生即葬其地長陽人義之題曰茶陵孝子尹近墓

湖南通志卷一百六十六人傳七明二

陳良義湘鄉人萬歷間歲饑偕其弟良芳捐穀萬二千石以賑事聞詔給冠帶建坊旌之良義子九官光祿寺典簿良芳子九棟冠帶儒士捐賑穀置義田並能濟其美志

丁嵩醴陵人萬歷中與同邑錢可賓文宗淵俱以善行旌諸何廣清湘陰人萬歷癸未湖北大饑廣沽與其弟廣法各載穀鉅萬往賑事聞給冠帶各旌以額

賈逢益陽人萬歷中進士知陝西縣邑地瘠賦重逢益請於臺使奏減例銀千餘兩酌起進緩急立八限以寬民力丁糧銀米悉載於冊刊定編差吏例吏胥不得上下其手秩滿陞戶部主事

郭諱字本明益陽人初由歲貢授常德訓導遷知開縣直指薦其能當殊擢開子都督擢第遂致仕歸以詩酒自娛諱素有志

於道從吉州郭守益游最久以都督貴贈如其官

郭都賢字天門號些庵天啟壬戌進士授行人由部郎出為江

西提學稱得士累遷都御史巡撫江西黜貪獎循良風骨

嶷然人不敢犯時賊騎充斥左良玉屯兵九江都賢惡其淫掠

檄歸之而自募土兵為成尋去任北都陷福王自立閣部史可

法都賢分校會試所得士也薦授南京操江不赴桂王立肇慶

以兵部尚書召時已祝髮為僧矣流寓嘉魚河陽凡十九年乃

卒

湖南通志卷一百六十五 人物七 明二 九

江應昂倭人初知滋陽縣遷大理同知晉尋甸知府敏幹剛決

不畏強罔濟文田敢申免通賦所治皆得其平

洪倫倭人由貢生任京秩性剛直濟於仕進授御史即辭歸四

世同爨

劉玉溫字至和倭人性樂施子常出粟貸鄰里貧不能償者輒

還其券會徵富民輸粟賑饑玉溫首舉二子以應人或訝之玉

溫曰邑人誰有裕於君子者巡撫上其行詣賜冠帶

石萬程字仲升湘潭人天啟壬戌進士授戶部主事轉郎中出

守徽州值魏忠賢權黃山令開采歲利以數萬計又主事呂

下問來勘吳善春獄株連數百家萬程均力爭不得即挂冠去

遂職崇禎間起知常州已有稅羨三千金故事沒於守萬程

卻之以病歸尋起杭州知府海甯巨猾吳中彥殺人論死投萬

金求解立寘諸法杭人為作卻金頌還溫處兵備副使降海寇

張宏銘等萬餘人以病乞休卒於塗

石喬松字筆山湘潭人少孤貧事祖母極孝以教授鄉里積穀

二千餘石置屋一區與兄弟同居官郡邑京衛學凡二十載所

至人慶得師陞承從知縣征苗有功當遷竟致仕歸

李道炯善化人由貢任衡州訓導教士有風範遷鹽亭教諭時

資曾板值令缺迫炯極力備禦特以無恐再遷遷義教授

雷續字見川湘潭人嘉靖己酉舉應天鄉試家貧所居不

蔽風雨一日縣令過其門延入設具經營久之僅得鱸魚醃卵

二品令重其人為之一飽垂老以詩自娛卒不仕

左瑛字小瑜長沙人天啟中鄉舉由武陵教諭陞知和州州經

寇燬瑛悉心撫字輟朴不用以揚州同知致仕因亂遂倚寓和

州

王國賓字用之長沙人少有聲庠序天啟中由選貢知常山縣

吏才肆應嘗兼攝四邑蒙遇劇差大獄咄咤立辦暇則與文士

詩酒燕游以疾卒於任

王桂字定宇長沙人為諸生時館太守葛登名署中有里人被

誣已抵罪力白其冤絕口不言久之其人始知願以身供役力

御之天啟中以貢授德安教諭運知繁昌縣在官六載有清名

水汛開濬分俸繕修築墜無爲知州未赴卒民立祠祀之一統志

吳道升字聚垣善化人博通經史家貧事親務得歡心居喪哀

毀骨立有司旌其門志

周之麟字伯良善化人天啟辛酉鄉舉侍父入都廷試父卒於

塗之麟徒步扶輿踵破血流道遠度不能達始負舟載之猶朝

夕撫棺痛哭抵家一夕卒志

李可墳善化人題名碑作

天啟壬戌進士授知漢水縣調封邱兩校鄉閭皆得士擢南京戶部主事除鳳陽知府所至方嚴不

阿人敬憚之志

湖南通志卷一百六十六人物七 明 主

黃焜字叔闇善化人豁達豪爽時有叔度之稱由鄉舉銓知州

會詔求直言焜上書切中時弊特賜進士御筆改名裳吉授兵

部職方司員外郎尋出爲密雲兵備副使有治聲志

賈世宇尹耕湘鄉人由貢生在潼川教授擢知蓬溪縣事有能

聲致仕歸建家祠置祭器祭田嚴立條約又於祠前隙地捐建

義學延師以訓族人志

蔡制字仲節常鄉人舉於鄉以親老不偕計吏督讀書城南夜

半有奔女叩門峻卻之縣有罹重辟者以直指爲制座主持千

金爲壽乞居開力辭不受志

陶金字仲良湘鄉人以諸生肄業南雍講王守仁之學出宰濟

源興寧安縣所至公廉愷悌士民歌頌之志

賀詳字約甫湘鄉人少尙志操還金拒色以廉隅稱讀書一目

十行下嘗取歲歷瀏覽覆舉之無少遺誤領萬曆癸卯鄉薦與

武昌宗人逢聖齊名出宰安溪以強項致仕志

唐彥珩字崑嶽湘潭人早孤帶經而鋤遂成通儒天啟開歲饑

彥珩置厥食粥以賑全活甚眾晚年卜築碧泉暮胡文定舊祠

置田供祀繼母涂病瘁以身翼行者三年不懈志

蔡承掄字輪白攸人天啟中以副貢授合州判官在任二十年

廉介自守發奸摘伏如神調京衛經歷乞休歸年九十卒志

龍應濱字思庭湘鄉人嘉靖乙卯舉人爲長甯知縣縣多逋賦

湖南通志卷一百六十六人物七 明 主

奸民以之累貧民里胥呼迫甚遂匿山谷爲盜應濱悉爲代償

奸民感其義咸改轍樂輸貧民亦無復爲盜者攝知永安和平

皆有治績長甯有橋通汀贛孔道圯應濱捐千金修復人呼龍

公橋建生祠其上祀之志

譚敬承長沙衛人號健工騎射能詩兼善書以武進士掌本衛

事晉守備調山西修古北口邊城擢鄧陽參將在任多所整飭

累官貴州總兵討播州蠻平之志

文士昂字台仙攸人父有章少孤事繼母撫幼弟以孝友稱士

昂舉天啟壬戌進士初知華陽縣地苦旱士昂教民築陂作筒

車轉水歲大熟民爲建生祠遷工科給事中河陝大饑疏請飭

撫臣發賑無拘常例時邊警屢告力陳中官監軍之弊不見用
出爲威茂道陞雲南布政使晉太常卿崇禎中假居里中臨藍
賊起請建輒城張字之亂士昂倂往避山谷中南都建聯絡
何騰蛟堵允錫楊廷麟萬元吉等圖恢復與廷麟同守吉安事
去隱邑之涼江素衣冠自若順治戊子三月金聲桓反江西兵
及攸境或言士昂通書內應執送武昌士昂曰南都破時已辦
一死矣遂以是年八月就戮遺屬以讀書守家訓誡其子孫語
不及他

陳來學字開之攸人少強學勵行以大人長者自命中天啟丁
卯鄉榜崇禎十年臨監賊寇縣來學告二守并奮濟兵伏隘劫
湖南通志卷一百六十六 人物七 明二 重

營務之弗聽既而曰離城三十里結營彼客我主必捷又弗聽
賊至弁皇進失伍來學以腰帶裹頭大呼督戰斬賊首三八賊
大至中五槍一刃死其兄吏目球弟諸生瑛皆死之
周堪農字仲聲甯鄉人父耀冕字汝服由舉人知東平州報最
陞延安同知築泐水堤平鄺岸賊再舉循卓遣引歸堪府舉天
啟乙丑進士知永春縣調福清計擒海盜治行爲八閩冠擢御
史巡按真順等處持法平允多所全活由光祿卿遷順天府尹
時流賊方熾詔以工部侍郎兼副都御史往塞賊所決河數月
工成省帑金三十萬會賊從上游偷渡寇漳關堪廢閘變驅血
數升急陳六大獎疏反請扼宜雲關隘疏指陳時弊甚激烈不

報崇禎十六年陞南京戶部尙書連疏乞骸骨過南都謁孝陵
痛哭歸里未一月而京師陷矣南都立起故宮乃密致書史可
法請奏諫馬士英阮大鍼行次吳城得報知不可乃返變姓名
避地閩粵間既歸結廬董家村焚香禮佛鄉人罕識其面卒年
六十三

周堪貴字簡予甯鄉人崇禎中由歲貢授知縣轉戶部司務不
就歸

國朝順治戊子四鎮潰兵咸集甯鄉執堪貴脅以刃不屈復炮
烙之罵不絕口而死

朱鸞長沙人由鄉舉歷官鳳翔同知平賈鑑劇盜奈藩被誣力
湖南通志卷一百六十六 人物七 明二 重

爲辨釋擢戶部員外郎
會章號月溪茶陵人由拔貢任平樂教授粹於易理日進諸生
講貫資者飲食之任滿諸生懇留詔加秩復任

陳所開號印水茶陵人由拔貢知崇陽縣報最著知固原州
近遇又楊巡撫駐節地號稱難治所聞戢強緩弱兵民安堵調
知江夏行取御史

謝啓元字石跡湘潭人天啟乙丑進士知嘉定州請裁濫額稅
著祥刑錄勸民息訟舉人李先聘被誣坐穢雪其枉擢戶部郎
典試雲南稱得士出爲濟南參政屢捍危城平土寇遷按察使

鍾頌詩賊蹤躡城邑肇元躬擐甲橫戈矢石賊多授首

境內獲安以勞卒贈太僕卿一統志

妻琇字元夫湘陰人天啟甲子舉人崇禎中知涇州賑貸饑民

戶無流亡流賊掃地王犯城琇招募義勇為拒守計州人感其

忠協力固守賊悉眾攻之城陷被執遂被執商祈脛而死屬不

絕口妻亦不屈被害事聞贈太僕卿一統志

楊會瑛字嘉生甯鄉人天啟中由鄉舉任國子學錄擢兵曹闕

賊陷京師不屈死一統志

彭日浴字孺子甯鄉人諸生少孤事祖母以孝崇禎癸未獻賦

陷寧鄉脅授偽職日浴奔芙蓉積雪諸洞避之草馬賊詩數十

首納衣帶中尋被害一統志

湖南通志卷一百六十六 人物七 明 一 畫 人 考 上

陳有光益陽人天啟丁卯鄉舉任推官丁父艱歸獻賊破長沙

脅受偽職有光抗義不屈賊執其母不得已至賊營賊釋其母

度母已至家遂扼吭而死一統志

馮一第字根公善化人本姓熊祖某贅於馮遂冒其姓一第舉

天啟丁卯鄉試以詩文名與湘潭郭金臺同受知於推官蔡道

憲張獻忠陷長沙一第將乞師他方賊繫其母兄以招之乃歸

賊反覆誘降不屈將斬之一老僧伏地哭請免乃斷其兩手置

營中一夕死母兄獲免從祀忠烈祠私諡介烈一統志

周聖楷字伯孔湘潭人貢生弱冠游京師竟陵鍾惺談詩一

著楚寶尤有功於文獻晉江禁遺憲為之序獻賊犯長沙棄家

避於南嶽賊必欲得之移文將族其家乃以病見賊將祭江索

祭文其迫聖楷兩手持空紙宣讀語多醜詆賊覺怒而殺之一統志

記 清 舊 志 及 府 縣 志 皆 有 聖 楷 傳 傳 聞 之 誤 湘 湖 到 元 變 新 化 鄧 鳳 鶴 皆 力

辨 其 誤 而 周 至 其 所 記 尤 確 故 仍 列 之

王昌字新國長沙諸生崇禎末獄麓書院圯廢昌祚盡貨家

產得千金獨力重建提學高世泰重賞其成一統志

易道大湘鄉人崇禎十年天王寺賊攻掠至潭市道大率姪之

璽之機統鄉兵禦之轉戰三日斬首數百級力竭俱遇害一統志

湖南通志卷一百六十六 人物七 明 二 美 人 考 上

徐應選字青仲益陽人中乙科性孝謹喜任俠獻賊犯境倡義

拒之一統志

廖國遴字孟符長沙人崇禎丁丑進士授揚州推官時內官楊

顯名奉使作威國遴糾其專擅調保定修城賑饑備勞瘁擢

戶部給事中上守邊諸策皆允行後同鄉能開元劾周延儒忌

者謂疏出國遴手以他事下詔獄尋釋歸一統志

吳應台字伯能湘陰人崇禎甲戌進士知浦江縣能斷疑獄時

藍寇充斥應台團練鄉勇禦諸境寇不敢犯俗泥形家言親死

多不即葬應台為文曉譬並置義冢一時多者千棺浦江人皆

尸祝之一統志

陳有為號五如茶陵人崇禎中由鄉舉知靖安縣治尚悃惓與民休息偶嚴冬擁爐念罔苦寒詰旦簡輕絮者悉出之邑有被誣當重典者上官檄捕甚急已逮至有為憐其無辜縱使歸約日就理如期赴乃具詳雪其冤竟從末減致仕歸年九十卒

羅鍾字世用茶陵人由選貢授奉新縣丞值歲薦饑捐貲糴賑民賴以全活立祠祀之

譚永壽字肖筠茶陵人言行實實家不豐嘗周人急嘗割田以息族爭貨金以還去婦

賀承貞安化人由貢授鎮安知縣風情瀟灑人稱仙吏致仕歸湖南通志卷一百六十八人物七

官崇肅然好獎藉後進多所成就

吳紹周字景伯南鄉人嘉靖癸卯鄉舉官雲南知縣有青天名流賊過境相戒不敢犯府藏傳有籍沒二千金悉出以助軍餉

毫不染指

譚元乾字文玉茶陵人由恩貢任贛州教授屬臨川有盜獄誣繫百餘人元乾白於巡撫俱得釋臨川人祠祀之

彭友元字信宇益陽人天啟時父學一病友元刲左臂肉以進父輒愈崇禎時母病篤友元痛哭呼天剖胸取肝一片寢以進母母食而愈久之餘肝進出如類見者泣下有詔旌其門晉學

高世泰為之傳

尹長民湘潭人苦貧力學崇禎己卯舉人性至孝母病割股以療死癸未之亂

陳嘉謨字益卿湘鄉人性坦直喜吟咏工草書由嘉靖己酉舉人歷任福建山西雲南知縣勤政愛民重士兩校鄉試並得人

所至皆建祠祀之

文典章號南華儉儉人家居孝友由鄉舉知溫江馮縣縣俱有政聲再補鉅鹿值水災極力拯救以勞卒於官

賀鳳梧字松淵益陽人早從武陵蔣信游聞求仁之學後入太學以上崇正還樸疏授陝州判官湖歸構城南山房講學立還

樸會以風鄉里其子知上庠縣鳳梧教之力行常平倉法

湖南通志卷一百六十八人物七

盧傳來字念聖南鄉人幼穎慧有輕世之意長折節讀書日所言動夜必記之膺選貢不謁選時跡養母所作詩文及丹鉛古今書盈箱

郭夢麟字達泉安化人由貢任平和知縣平橫盜均徭役惠政及民祀名宦

關志和安化人正德三年出業于石堰饒詔授七品散官其時有同郡王翼謝子龍蕭政張廷椿蕭璉何範賀紹祖王冲霄蔡瑞蔡懋陳廷璽何廷蔡惠周鳳皋皮日昌鄧廣劉春林蔡澍陳銘洪興暨洪田蔡國儀蔡祖洪厚洪祥洪橫蕭致蕭俊陳富陳宗戴彭珍劉南箕丁璉王寶王萬化陳鵬文炳蔡經王日詔王

萬寶王宦王萬用劉仁祿楊壽昌歐陽時文陳友文董珍周處倫武廷漢丁志淵鄧鵬鵬凱王裕興胥王易忠則李子韶龍圖蔡國伸龍章龍惠譚廷傳陳儲張瑤俱捐粟賑饑賜冠帶志何志高候人與同邑彭羅賜毛溫鑑文凌霄陳善輕譚處善張泰春彭雷震洪忠司王槐竟王翰陳受卿俱捐粟賑饑奉敕旌其門志

南若愚號春葵長沙人由恩貢任激江通判陞雲龍知州所至視民猶子杜絕請託民愛戴之家居杜門和靖壽九十卒志

周旌湘鄉人年十四父歿母趙憂悼成疾旌禱於神割其乳養糜以進母食之頓愈事聞被旌志

湖南通志卷二百六十六人物七 明二 元

曾汝京字三省益陽人少孤授徒養母母歿哀毀廬墓嘗顏所居堂曰日省潔清自愛值流寇剽掠爲縣令書守禦策縣賴以全志

鄧之聲湘陰人崇禎癸酉舉人行己端謹時稱長者亂後棄妻

子棲神鼎山無疾而逝志

唐韻湘潭諸生張獻忠陷城與父鶴翔母錢俱被執賊殺錢韻持尸慟哭求死賊憐而釋之韻終抱尸不去泣血數日死母旁志

周星字九煙湘潭人志父逢泰宦游生星於江南爲

上元黃氏撫養遂冒其姓六歲能文七歲工書法十二歲入南

監登崇禎庚辰進士授戶科給事中不就上書復姓歸湘潭葬父畢復返上元詩古文直備古人明已變名曰黃人字略似又號笑蒼道人布衣素冠寒暑不易人有一言不合輒謾罵年七十餘自撰墓志作解脫吟十二章與妻孥訣飲極醉自沈於水時五月五日也志

胡湛字秋水攸人三中武舉官把總崇禎中臨藍盜犯攸湛率鄉勇力戰死賊亦潰詔贈官志

陳五魁攸人崇禎中爲光祿丞出爲南昌通判堵允錫視師長沙起爲監軍駐慈利順治丁亥同子治策抗節死志

吳從明志字信可湘陰人崇禎中舉人知遵義縣即古播

州地明二百年無科目從明建學教士期年與選者三人擢蘇州同知督運爲關賊所得死之志

黃鳳德湘陰人張獻忠陷長沙知縣楊開退保白鶴山爲恢復計鳳德左右擁衛在其召募賊怒先捕開並家屬十七人沈於河乃磔鳳德並戮其妻志

蔣儒德字克明湘陰人貢生孝事繼母友愛諸季尤樂周人急

聞里敬之閭賊寇縣儒德與同輩十餘人俱被執先後就戮將次及儒德忽賊中一人躍起抱持之曰此好相公不可殺遂得

釋志

喻成龍字濟川湘陰人萬曆中由貢生知榮陽縣省刑薄斂尤

盡力荒政遷重慶同知奉檄督邊餉遇賊不屈死

志

洪懋孝字達夫湘鄉人崇禎末貢生閏時將亂常如癡醉堅臥

一室不問家事及亂作題詩齋柱冠帶自縊死死三日方斂容

貌如生人皆歎異之

志

陳受堯字君德湘鄉人崇禎中平天寺賊有功授麻陽守備

尋擢副將亂後以隱逸終獨建湧蓮庵捐田二百餘畝歲饑佐

邑令施粥全活甚眾

志

姜中治字心我寧鄉諸生崇禎末土賊蠡起中治團鄉勇保境

賊不敢犯時安化賊甚熾將趨新康犯長沙知府堵允錫遣募

客余昇與賊戰敗死中治亟發團兵夜斫賊營盡殲之收昇屍

湖南通志卷二百六十六

人物七

明二

三

人

送長沙並於其死所建祠以祀允錫嘉其忠薦授雲南都司不

就築樂天亭終老焉

志

林朝憲字耀宇長沙人崇禎末散財練兵衛土寇以功授游擊

獻賊陷長沙遣僞將劉秩輔卑辭誘致不屈築堡固守與賊相

持乙酉闖賊餘黨蠶聚鄂岳及長沙朝憲扼守要害殺賊其

眾督師疏其功加總戎不就

志

周世美甯鄉人貢生張獻忠寇縣世美被執不屈戮於北郊子

諸生希麟亦被執厲聲罵賊怒並殺之

志

陶燧甯鄉人歲貢生選陳州府經歷致仕張獻忠陷縣大索紳

士燧與同邑諸生劉為邦朱國昌朱治昌湯道撰劉光賢周易

抗節不往迎俱被執戮於北郊同時死難者凡百三十餘人是

日晝靈如夜同時死於北郊者有貢生黃河潤黃昌錄監生戴

明之庠生黃昌昌黃載珽張孔時張孔鐸周鼎周冕周昌明周

華儒周華佩周華殿周華年周星賀繼祥賀繼翰諸人

朱之樞字伯培甯鄉人廩生獻賊陷縣被執不屈罵賊甚厲賊

怒焚之投其骨於水

志

張爾鼠字旭升甯鄉人尚福清王女明法郡主下嫁舅姑先行

拜禮爾鼠不從王聞益愛重之時爾鼠祖少江年九十八即日

題封壽官秩四品王又欲官其兄弟爾鼠辭曰人貴自建立因

親戚致顯恐遺後人羞及莊烈帝死社稷爾鼠涕泣曰我王府

湖南通志卷二百六十六

人物七

明二

三

人

儀賓誼同休戚與郡主同縞死遺子嘉被掠去其從兄武魁奪

還之

志

胡衷煥甯鄉人性篤孝年十四遇賊執其父母衷煥以身左右

翼賊義而釋之後又為賊擄去子僞職不受脅以兵不為動乘

間脫歸父母已死乃廬於墓所時多虎患衷煥獨苦塊於深林

蓋營中虎為遠徙

志

黎復清字樸生甯鄉人廩生張獻忠陷甯鄉迫受僞職復清不

從厲聲大罵賊以刃斫其膝截其吻罵益厲賊怒寸磔之時年

二十五妻黃氏以節聞

志

謝所舉字瞻萊湘潭人崇禎末由鄉舉知湖口縣時左良玉兵